



Broj:01-01-1999/23
Sarajevo, 06.07.2023.godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni glasnik BiH“, broj 39/14, 59/22), člana 14. Pravilnika o javnim nabavkama roba, usluga i radova u JU, „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine, a na osnovu Preporuke Komisije za javnu nabavku, broj: 01-01-1988/23 od 05.07.2023.godine u postupku nabavke - Usluge održavanja i funkcionalne podrške korisničkih softvera, održavanje e-protokola, softvera za evidenciju radnog vremena KERVIP, za potrebe Javne ustanove „Služba za zapošljavanje Kantona Sarajevo“ Sarajevo, v.d. direktorica *donosi*

ODLUKU **o poništenju postupka javne nabavke**

Član 1.

Prihvata se Preporuka Komisije za javnu nabavku broj: 01-01-1988/23 od 05.07.2023.godine i poništava se postupak javne nabavke - Usluge održavanja i funkcionalne podrške korisničkih softvera, održavanje e-protokola, softvera za evidenciju radnog vremena KERVIP, za potrebe Javne ustanove „Služba za zapošljavanje Kantona Sarajevo“ Sarajevo, u pregovaračkom postupku bez objave obavještenja, iz razloga neprihvatljivosti ponude.

Član 2.

Ova Odluka bit će objavljena na web stranici JU, „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem iste ponuđaču koji je učestvovao u postupku predmetne nabavke, shodno članu 70. stav (6) Zakona o javnim nabavkama.

Član 3.

Ova Odluka stupa na snagu danom donošenja.

Obrazloženje

Odlukom o pokretanju postupka nabavke usluge održavanja i funkcionalne podrške korisničkih softvera, održavanje e-protokola, softvera za evidenciju radnog vremena KERVIP, za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-1707/23 od 24.05.2023. godine, pokrenut je predmetni postupak javne nabavke.

Javna nabavka provedena je putem pregovaračkog postupka bez objave obavještenja.

Ukupna procijenjena vrijednost iste bez PDV-a iznosi 42.000,00 KM.

Slijedom navedene Odluke, dana 13.06.2023. godine, na Portalu javnih nabavki, izvršena je objava Informacije o pregovaračkom postupku bez objave obavještenja broj: 774-4-2-18-20-1/23.

Po isteku roka predviđenog za dostavljanje zahtjeva za učešće, Komisija za javnu nabavku imenovana Rješenjem broj: 01-01-34-1870/23 od 21.06.2023. godine, blagovremeno i pravilno izvršila je otvaranje jedinog pristiglog Zahtjeva za učešće, i to kandidata IT SYSTEMS d.o.o. Sarajevo broj: 01-03-48/2023 od 22.06.2023. godine, te ocjenu kvalifikovanosti istog, o čemu je sačinila odgovarajući zapisnik broj: 01-01-1900/23 od 23.06.2023. godine, te dalje putem Preporuke broj: 08/1-1903/23 od 23.06.2023. godine, istim sadržajem predlaže ugovornom organu da uputi poziv za podnošenje početne ponude, navodeći da je kandidat ispunio sve uslove i dostavio potrebne dokaze tražene okvirom sadržaja tenderske dokumentacije.

Nadalje, u postupku analize pristigle inicijalne ponude ponuđača IT SYSTEMS d.o.o., zaprimljene pod protokolarnim brojem: 09/3-02-JN/23 od 03.07.2023. godine, evidentirano u Zapisniku o pregledu i ocjeni inicijalnih ponuda broj: 01-01-1975/23 od 03.07.2023. godine, Komisija je konstatovala da provjerom o preuzimanju tenderske dokumentacije putem Portala javnih nabavki, a obzirom na činjenicu da sistem „E-nabavke“, operateru šalje sistemsku notifikaciju prilikom preuzimanja tenderske dokumentacije od strane ponuđača i omogućava kreiranje izvještaja o preuzimanju tenderske dokumentacije, istim putem utvrdila da ponuđač IT SYSTEMS d.o.o. Sarajevo, nije preuzeo tendersku dokumentaciju za učešće u fazi II-Inicijalna ponuda, što potvrđuje Izvještaj o preuzimanju tenderske dokumentacije, čijim sadržajem je evidentno istaknuto da nijedan ponuđač nije preuzeo tendersku dokumentaciju.

Nadalje navodi, pozivajući se na zvanični stav Agencije za javne nabavke, da ugovorni organ takvu ponudu ne može prihvatiti jer se ne nalazi u sistemu, odnosno sistem nije registrovao takvog ponuđača, te s tim u vezi kao takav ne može učestvovati u daljnjem postupku, odnosno ne može biti predmetom ocjene, te se takva ponuda odbacuje u skladu sa članom 68. stav (4) tačka j) ZJN.

Slijedom prednjeg, u postupku ocjene predmetne nabavke, Komisija je stava da su se stekli zakonski uslovi za poništenje postupka javne nabavke, slijedom čega sačinjava Preporuku ugovornom organu broj: 01-01-1988/23 od 05.07.2023.godine, da donese Odluku o poništenju postupka predmetne nabavke.

Cijeneći navedeno, primjenom člana 69. stav (2) tačka d) Zakona o javnim nabavkama („Službeni glasnik BiH“, broj 39/14, 59/22), a po preporuci Komisije broj: 01-01-1988/23 od 05.07.2023.godine, odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana, od dana prijema iste, Uredu za razmatranje žalbi, putem ovog Ugovornog organa, u skladu sa članom 99. i 101. Zakona o javnim nabavkama.



VD Direktorica

Edina Ljubuškić

Dostaviti:

- IT SYSTEMS d.o.o. Sarajevo,
- Komisiji za javne nabavke,
- A/a

Doke Mazalića 3,

web-stranica: www.szks.ba; e-mail adresa: info@szks.ba

Tel: ++387 (33) 569-100, fax: 204-177; Matični broj: 4200304610003;

Poreski broj: 01079085; Računi Intesa Sanpaolo Banka d.d. Sarajevo:

1549212010171056-depozitni račun, 1540012000135120-transakcijski račun

